

明燈寶鑑

禮義部





明燈寶鑑

◆ 禮·義部目錄 ◆

謝詞	護國九天宮	04
無極懿旨	瑤池金母大天尊	05
護國元君	九天玄姆	06
南天文衡聖帝	序	07
大成至聖先師	序	08
濟公活佛	序	09

《禮部》

第一章	知禮明義篇／海蟾祖師	12
第二章	嫁娶禮儀篇／西方準提菩薩	14
第三章	祭典尊禮篇／護國元君 九天玄姆	16
第四章	夫妻禮敬篇／何仙姑	18
第五章	謙和禮讓篇／張果老仙翁	20
第六章	尊師禮敬篇／曹國舅仙翁	22
第七章	雇僕遵禮篇／藍采和仙翁	24

第八章	戒淫守禮篇／護國元君	九天玄姆	26
第九章	行禮遠色篇／公西子華夫子		28
第十章	嗜酒亂禮篇／陳搏真人		30
第十一章	妄言非禮篇／太乙真人		32
第十二章	敬天禮神篇／雲夢山	王禪老祖	34

《義部》

第一章	捨生取義篇／南華帝君		38
第二章	交友守義篇／冉有夫子		40
第三章	士儒遵義篇／子游夫子		42
第四章	施恩知義篇／護國元君	九天玄姆	44
第五章	見義勇爲篇／南天齊天大聖		46
第六章	好賭廢義篇／南極長生大帝		48
第七章	仗義直言篇／南天周倉將軍		50
第八章	雇僕盡義篇／護國元君	九天玄姆	52
第九章	農工行義篇／南斗星君		54
第十章	商賈明義篇／北斗星君		56
第十一章	妯娌有義篇／雷祖大帝		58
第十二章	父子親義篇／東方朔仙翁		60

蓋聞爲善必昌，古今明證，施德不報，聖哲仁心。莫謂霄漢冥中，難知天威，善德乃人本份內事，是以善小勤積，善始善終，足爲神佛默爲呵護。今民風怪異，邪說玄斥，神道設教，飛鸞教化，降筆著書，醒頑愚巧罔覺，極邪風於無形，化道之奧妙，實非人所能測也。

此《明燈寶鑑》共分八部，自歲次辛未年每逢鸞期降筆著書，至丙子民國八十五年全部告竣，時因遭際財物維艱，出版進行中止，邇主席九天玄姆、文衡聖帝迭降鸞，嚴厲督促，速予付梓頒佈宇內。奈匱乏剗剛之資，謹將忠孝、仁愛、禮義、廉恥四部加訂冊增，用邀諸賢，敢懇吾台疆寶島四方各界人士，踴躍參加，真誠美舉，則群策群力，竭誠鼎助，庶幾或可挽頽波於來茲，振隆風於萬古。

今幸得遂棗梨之舉，仰賴贊襄，叨傾囊之厚援，感《明燈寶鑑》之造就，雖曰投桃不冀報李，然本宮社受其贊者，豈敢外諸懷抱，今誠感揮毫銘謝，俯仰神馳，低徊意重，詞未殫於修牘，謝盡微夫之忱，伏冀鴻涵，曷勝省忤。

恭

呈

諸位賢德鈞鑒

護國九天宮忠孝堂
修緣雜誌社

鞠躬謝啓

欽差大臣無極駕前 何仙姑 降

詩曰：道統明燈賴會通，桂香几案把身躬，

龍章鳳藻千秋炳，慈航廣佈化九州。

聖示：吾今奉

無極老中懿旨賚詔宣讀，神人俯伏，叩接懿旨。

欽奉

瑤池金母大天尊懿旨曰：

中居瑤池，心存好生，恩沾草木，德被乾坤。邇年來人心不古，世風丕變，孽海汪洋，爲子不孝，忤逆爹娘，爲臣誤國，殘害忠良，夫妻不和，目反帷房，兒子不教，變成犬羊，字紙不敬，聖道淪亡，是非長短，握髮難數，善則降祥，惡者降殃。人心至此，於焉倒置，四維八德，遽爾沈淪，案定天律，災施八劫，非中忍出於此劫，實下民所自召耳！

時下至今，無君無父，忘仁舍義，三綱五常棄如江東之海，其罪匪淺。斯時尚不悔悟，更待何時？夫臨事知悔，猶如江中補漏，悔之恨切，猶如勒馬臨崖，其咎歸與哉。雖此凶災日下，中不忍不教而誅之，奈何人鐵石之心，竟視中意虛虛幻幻，是可無也。不肯信受奉行，眾生譎辯之心，其罪雖不勝誅，中心亦何以安？

今慶有北台護國九重宮忠孝堂，九天玄姆、關、呂、張卿，協同三教諸天仙佛，請旨再著金篇醒世，中著意許久，鳳顏幸悅，賜旨乙道，令駕前何仙姑

賚 中懿詔傳宣頒佈，題賜書名曰：《明燈寶鑑》，開教化於萬年，冊分八部，每逢鸞期，設案叩首，迎迓聖賢，隨方顯象，擇施飛鸞，字字珠璣，針針見血，爲宇海內諦增一慈航，廣佈天下。期盼諸子有始有終，陪著天書，待書成完竣之日，論功加爵，並繳交三冊，三曹對案，勿負中意。

欽哉勿忽，叩首謝恩。

天運辛未年菊月初二日

序

護國元君 九天玄姆 降

詩曰：明燈照耀遍三千，寶鑑醒世勸迷顛，
金箴闡教慈心現，救渡羔羊登岸先。

又詩：綱常八德振古風，忠孝道脈繼中庸，
物格率性人倫守，滾堯舜政述儒宗。

聖示：吾今夜特爲《明燈寶鑑》乙書作序。

夫聖人立教，以經書傳於後世，憂天下人心不正，矯柔僞私，逆天背父，顛次倫理，悲心哀嘆！縱爾古聖洩其真詮，嘔心泣血，盡闡聖章賢典，然斯值文明末世，人心難見古風。輒而殺親弑妻，或巧詐欺心，指數難陳。今鸞門闡教，儒宗正道再顯救世，三界高真復轉人間再述寶篇，警世勸迷。今臺瀛護國九重宮忠孝堂，諸生心生悲憫，欲挽狂瀾於既倒，誠感 中心。特賜懿旨乙道，每逢鸞期著作《明燈寶鑑》，由吾會同列位聖真合著，寶鑑列冊分八部，以「忠孝、仁愛、禮義、廉恥」每部分十二篇，計九十六章，著完爲止，盼爾諸生使命重擔，再承天命勞其筋骨，共著天書，救挽眾生於彼岸，值此著書前夕，特聊數語以爲序。

天運辛未年菊月初九日

護國元君 九天玄姆 降序於護國九重宮忠孝堂

序

南天 文衡聖帝 降

詩曰：忠孝古傳承道統，敦仁復古繼聖宗，
明燈寶鑑承堯舜，再振綱常挽頹風。

又詩：三墳五典現仁風，昇平盛世推大同，
八德禮義秉遵守，啓愚轉智悟真龍。

聖示：今夜特降爲《明燈寶鑑》乙書作序。

蓋溯往上古三代五帝，唐虞盛世，曉遵天理，思復三代以下，民私逆天，存僥倖詐僞，見孔儒之道詩書禮樂，廢儒敝屣，曲學爭鳴，朱墨之害盈天，三綱既廢，五常全失，忠義斷絕，夫婦爭於帷房之內，兄弟分於蕭牆，民心既已反常，天心豈有坐視？本欲臨劫而誅之。然三界聖真奏本，不忍蒸民俱焚，值護國九重宮忠孝堂諸生欲挽狂瀾，有心世道沉淪，奉旨著作《明燈寶鑑》，三界聖真聞此喜讚，同領懿旨期期降臨，闡化金箴寶訓，實用心良苦矣！

值《明燈寶鑑》再振儒宗心法，傳承聖賢遺典，追泗水之風，延禮孔孟聖學，冊分八部，義深詞賅，願爾世宇人等聞閱寶鑑，皆能警目觸心，共挽頹俗邪風，趨於祥和之境，俚言片語爰之爲序。

南天 文衡聖帝 降序於護國九重宮忠孝堂

天運辛未年九月十六日

序

大成至聖先師 孔 降

聖示：吾今夜特爲《明燈寶鑑》乙書降鸞作序。

夫神道設教，補政法之爲末；聖賢經典，醒迷人之性。鑑古思今，上古之時演禮義敦仁風，斯爲海宴昇平之境；下古至今卻視禮樂詩書爲具文，笑仁義爲多事，鄙禮如迂談。縱觀爾輩斯文賤地，「士」居蝸廬而妄思厚祿高爵，「農」處幽室而逸閒情事，「工」勞體膚而貪樂利賂，「商」本務實，視利薰財見末。世宇眾生既趨利忘義，道德失、五倫廢，此乖戾風尚，三界神佛聞之生悲憫慈心，協同請旨飛鸞闡教，開演堯舜儒風，今值護國九重宮中孝堂奉懿命著作《明燈寶鑑》，倡忠道揚孝風，是佛聖等之苦口婆心，此部書冊分八部，正合三綱五常，足可抵末世之邪風，遏歐美之逆流，盼閱得此書，棄黑暗求其明燈指引，修寶鑑苦海早登彼岸，今宵俚語予以爲序。

大成至聖先師 孔 降序於護國九重宮中孝堂

天運辛未年九月二十三日

序

濟公活佛 降

詩曰：八德綱常醒人寰，忠孝列首承聖賢，禮義切汗敦古訓，嘉言馨香萬古傳。

又詩：明燈慈航指迷津，寶鑑醒世勸果因，閱驚觸目獨處坐，回頭苦海悟前身。

聖示：老衲降鸞特爲《明燈寶鑑》天書乙部作序。

嘗思不教而殺謂之虐，不戒視成謂之暴。聞古而今，俗風相若天壤，遐哉也稱堯舜禪讓之盛世，近也觀爾難見忠臣孝子，卻聞弑親逆母，獍狐者城巷滿街，朋比爲奸，陽奉陰違，此等倫理已喪，何嘆欲挽頽風者爭相奔告，善組宗教。邇年來天門重啓，鸞堂迭建，斯乃天運之勢，今護國九重宮中孝堂諸生不忍孔子血廢弛，請巨著書蒙天垂照，天纓賜書名曰《明燈寶鑑》，雅名頒世，盼爾士農工商並及官宦軍民，聞書醒悟回頭，捧寶鑑猶如珍珠，絲毫莫敢以輕心，切勿心生毀謗，棄如敝屣。是善者精勉奮勵，是惡者奉爲規臬，如是成效斯可達平樂之境，值著書前夕俚箴數句，爰之爲序。

濟公活佛 降序於護國九重宮中孝堂

天運辛未年十月初一日

明燈寶鑑

禮部

護國九天宮忠孝堂 印行



第一章 知禮明義篇

海蟾祖師 降

詩曰：禮儀三千定綱常，天地五倫循規章，
制典善教庶民範，治國齊家四維張。

夫禮者，體也。古以有禮稱之為得體，小至個人言行舉止、動作行藏，大至眾人往來交誼，莫不與禮相關，是以三綱五常定其體。禮者猶履也。履先王之法，所以事神致福也。自古聖人以禮治天下，人紀人綱，原於天秩天序，是其禮為吾性分中自有之節文也，而無禮可乎哉？故朝廷國政欲樹紀綱，非以禮則無所適從。聖人守禮以身作則，以情制文耳。是以聖人尊禮為上，亦不敢踰越，妄定禮章，乃天心至公，有德者必受命，以禮治化天下百民。

惟禮文繁節，茲就簡刪繁，用而曲當，文以適約。禮於社稷則國泰民安，禮於君臣則尊卑有別，禮於齊家則和睦融洽，禮於父子則慈孝親愛，禮於夫妻則琴瑟和調，禮於兄弟則互助扶持，禮於友朋則情誼長存。故禮之所用則尊卑有序，下不犯上，知禮明達，而禮儀三百，威儀三千，後燦耀於人間也。



自古而今，禮節大有天淵庭徑之別，古崇尚典章儀禮，男女有分，長幼有序。今人觀此禮文，視若迂腐，每多越禮悖道之流，行事逾越分寸，言語粗俗失當，甚至自嘲自諷，謔笑守禮為冬烘。須明知書達禮，本俱人倫之根，曉禮行儀，實為修身之範，爾等背禮而失態，喪節而違禮，殊成君臣無分，上下失序，紊亂無章，天地顛倒。是故重禮莫輕禮，寧以規矩善教子民，切莫以失禮無序而害民，為入之道，理應明其綱義者是也。

《禮記》云：「人有禮則安，無禮則危。」且孔聖有云：「不知禮無以立，不學禮無以立也。」蓋見禮之為要，內以固其心志，閑養修身；外以束其形骸，檢攝表裏。人稟天地之氣以成形，形如何踐，當以行禮得體，若身列朝綱，必整躬率物，勵臣僚於禮則。所謂正一身以正百官，正百官以正萬民，此君子所貴大居正也。

故治民之道，亦以禮居先，今挽末俗之澆漓，教授子弟，正以義而勿任遷流，出入禮門義路，莫舍禮使其放浪形骸貽羞，有虧名教。倘若禮俗盡失，則鄉閭之內增多餘孽，家庭之中潛藏僭竊之子。然昧昧厥心，茫然失察，所恨者，多為儒林之列，身居師長，手攬孔孟之書，交接往來，未聞以禮懷束己身；晨昏朝夕，不見以禮教課門徒。讀聖賢書所學何事？禮教為本，豈可相習成風，而儀文不講哉？

今者緬世風之千古，嘆人情之背離，不覺目擊而心傷，奉勸士農工商，禮分有則，各表其形，各施其義，上而君相，本乎禮以為振興；下而師儒，率乎禮以為啟迪。如是檢束修身，循規蹈矩，以身作禮，人人知義，敝俗何難改革之？宜其勉諸，勿違是幸。

第二章 嫁娶禮儀篇

西方準提菩薩 降

詩曰：關雎緣訂誓海盟，鴛鴦和睦結親濃，
禮儀舉案百合事，嫁娶宜歸古今成。

蓋夫婦者人倫之始，開萬化之源，其禮儀之具，古今皆然。伏羲制創嫁娶之禮，列六禮之項，正姓氏、通媒妁，所以別人禽也，是以夫婦之道尤關至要矣！古云：「男大當婚，女大當嫁。」惟男子娶妻成家為立業之基，女子嫁夫教子以宜家于歸，其禮節理當依儀文履行，由媒妁初探名門相親，進而訂盟納采，終而嫁娶結婚。

縱婚姻親盟禮規繁縟，然無非男女有其宿，鳳凰連理枝，倘永結同心，百年好合，是人倫常樂事，夫妻琴瑟和鳴，上知孝敬翁姑，下順姑姨長輩，是為持家之禮。夫娶婦入門，當引妻奉孝雙親，晨昏定省，行婦道闡範圍而相敬如賓，嫁夫守貞是為妻之禮，懷胎生璋弄瓦，必以育子訓義，是為母之禮。身為夫者，孝親作則，率身以正，牽妻教子，孝敬親前，寢食問安，噓寒問暖，以妻順夫而孝親，是為夫之禮，肩擔家營生計，善以教養子息，是為父之禮。





故夫妻同室，體懷互敬，效梁鴻齊眉舉案之樂，貧醜兩相無猜，是為古聖嫁娶制禮之義。如今文明盛世，人皆知書達禮，卻見行之者渺乎其微，視婚姻如兒戲，男棄家庭於不顧，女未守分安家室，稍有不順，口角爭執，拳腳相向，動輒拋妻棄子，亦或離婚毀約，逾規失禮者，罄竹難書其弊也。

禮為人之體也，體不具，道不行也，故嫁娶之禮，有其深義。今世道凌夷，男女不經媒灼，未循禮教，或未于歸而成夫婦，或未聘訂而私自成婚，視禮儀為迂腐，廢禮於無存。爾等背棄禮教，縱僥倖合婚，效雞雉于飛，未慎道德約束，毫無倫理觀念，最後多成怨偶。亦有成婚之偶，未知人倫之道於禮俗，正樂禮節不行，竟荒蕩佚淫，請梨園唱艷曲，主賓聯誼，男女同歡，無視婚禮肅穆，雖為成婚之喜，然禮儀失偏，如何為子女宜室宜家之範，此邪淫之風，亦如何能為後代效仰？

倘男女成婚，又以同姓合婚，有亂人倫之常，縱現世以明文規定，無傷大雅，然古人所制典章自有其涵義，宜以遵守。今大倡男女平等之風，故妻多未冠夫姓，雖成一家，終易埋下日後離婚、各異西東之因。爾等嫁娶必三思忖心，以正道之禮，遺留後代百民，莫廢禮儀而遭絕嗣之報，此人倫大義，是男女婚配嫁娶之道，自當謹記奉行。

第三章 祭典尊禮篇

護國元君 九天玄姆 降

詩曰：典章祭儀禮週全，祀拜宗堂肅穆嚴，
祖德孝親俎豆事，慎終追遠恪守先。

昔周之興也，遠追祖德，尊后稷以配天，近表宗功，祀文王於明堂，一時盛典昭著，天德眷祐，國祚綿長。今也典則猶存，而祭祀俱非，上古三代之隆，君民之禮，雖有殊途，而報本始終，實無官宦貴賤之別。人生天地間，血脈薪傳，孰無後嗣，孰無祖上，竊以民德歸厚，而慎終追遠，自感祖先遺德，而福蔭後代子孫。

《左傳》曰：「國之大事，在祀與戎。」可知祭祀之意義非凡。《論語》曰：「生，事之以禮；死，葬之以禮，祭之以禮，可謂孝矣。」自古而今，天子以至庶民，莫不咸遵祭祀宗廟、祖祠。其祭祀儀典，縱繁文多例，乃以竭誠孝思，慎備器品，禮敬祖前。既以祭祀為重典，切勿祭儀不備，禮器不陳，時物不具，當知三代祖先筭路藍縷，誠以為後世子孫報本之心。至祖考父母之生辰忌日，宜素服齋戒，思其生前所嗜者，備物以祭，倘稍有不誠，怠慢疏忽或心意苟且，無故而遺忘。甚或有者嗤之以鼻，背祖而忘典，則罪添陰簿，過記深



焉。

若逢祖祀祭典之日，未合三齋六戒，潔淨身心，恣意夫婦交歡，逞淫褻瀆之罪，已種損福陰症之先，故凡一切背禮之行，輕侮之言，污穢之食，斷宜謹戒。亦有輕薄狂言之輩，視祭禮為嬉戲，輕忽渺視，誣祖欺神，凡神明位前，祖堂廚室，行止言語，均宜循規蹈矩，不得赤身露體，放言怒罵，哭泣歌唱，談笑輕躁。或於祭典杯酒狂樂，滋鬧指罵，此亦冒瀆神靈先祖之罪。是故逢祖先或神祇祭典，當以肅穆虔誠敬禮之心，率行正道，存神養性，寡言笑，去忿怒及戒除一切亂性之事，是為後世子民，敬天溯本追源之本也。

蓋以人品之智愚不齊，而上智者，讀及先聖之書，身知行先聖之禮，莫忘祖德而不知報，忝宗祀而悖所倫紀。今人若逢喪禮，其祭儀莫因時代遷變而隨之擅改，倘遇父母新喪，弔祭不哀，言笑歡樂，圖虛浮奢華，此服喪而失其禮也。甚有居喪之期，競奢侈式場，未具素齋禮全，大開殺戒，飲酒茹葷，殊不知父母之喪，當求棺槨衣裘入土為安，歸葬之日，終天永訣之時，身為子者，當以哀戚恭敬之祭禮，非以梨園樂曲而娛悅陰陽，豈不徒增亡魂之罪孽？

試思：新喪以哀，重孝在身，起居行走，外出宜避，切不可祭天禱地，求神祝聖，或出入歡樂聲色之場。是故聖人之制典傳禮，彙帙成書，歷數傳而不墜，奉勸世人切勿廢棄華夏文化之禮，而甘流入於夷狄之俗，爰是借鸞筆以陳書，重申義訓，脩明祭典祀禮之大要，慎勿忽諸！

第四章 夫妻禮敬篇

何仙姑 降

詩曰：伏羲制禮定綱常，伉儷聯姻奏笙簧，
宜室庭幃合琴瑟，夫剛婦柔相敬長。



竊以混沌初開，陰陽始判，《易經》云：「一陰一陽之謂道。」陰陽即分，天尊地卑，乾坤定矣！此為大道之樞機。夫婦者陰陽之義也，陰陽配乎日月，五倫造端乎夫婦，人若無綱常，猶天之無日月。然天無日月必壞，人無綱常必亂，夫婦為綱常之大本，禮法自當循遵莫紊亂也。

蓋以夫主陽而性剛，作為妻首，婦主陰而性順，宜當曲體以待夫，夫妻各素其位，敬之所在，即禮之所存。古之聖賢制定禮綱，教民人倫，夫婦有別。有謂夫者扶也，以道扶持也；婦者服也，以禮順服者也。古人重夫婦，實以重天倫，夫唱婦隨，樂琴瑟之同調，奏笙簧之正音，夫正妻順，效以梁鴻、孟光舉案齊眉之美風，敦養夫婦之儀，不失乾坤陰陽之道。夫者持禮以教妻，故相敬泰和，身教由夫，言教以妻，共組美命之庭，遂成人倫綱常之範。

鑑古及今，奈何夫婦弗敦大義，屢屢人倫顛倒，夫也竊玉偷香，妻也蝶飛他人，各異兩

處，豈顧聲名之敗裂，而廢倫常之本，亂陰陽太和，此等傷風敗俗之舉，實罄竹難書也。果聞男盜女娼，城狐社鼠遍佈，哀怨閨聲絕響於耳；亦聞夫之懼妻，剛柔不辨，無異鼠之畏貓，未敢使手弄腳；又見牝雞司晨，妻奪夫權，欺壓其上，此逆道而行，紊亂乾坤正位是也。有者身為夫者，逞恣豺狼之性，妻未甘忍辱，每逞獅吼之威，夫婦反成雀角之仇讎，始有離遷之念，終致家道中落，妻離子散，試問子女何辜？此人倫之生變，爾夫婦者之所為，當由灶君錄其過，而減損福報。

古謂男有室，女有家，乾坤陰陽有其位，婦順夫和，庶可調兩造之化育。今有等悍妒之婦，往往貪圖逸樂，而虧其倫常，以高傲自居，輕視夫婿之貧賤，貪慕他人之顯榮，時生詬誶，或起怨尤。獨不思布裙荆釵，夫者雖貧，當以全其志節不屈，莫因困境而生異念，叛離庭前，視夫為無存。婦人者秉志節操，共體時艱，克稱內助，是為敬夫禮婿。甚有為妻者，憎嫌夫之貌醜而興鄙視，故而紅杏牆離，遽生反目之嫌，既嫁歸夫家，當尊敬夫婿，真心互敬雅量，扶持度過終年。倘為夫者，行為不端，疏親庭幃，或棄妻而另覓香巢，為妻者能守其婦德，忍辱曲下，體因果不昧之道，受以無怨，亦同尊夫敬婿，則冥冥中賢婦必當受天之眷佑。

奉勸斯世之男女，既結褵為夫妻，善加體恤包容，知禮明義，修養身心，古云：「百年修得同船渡，千年修得共枕眠。」莫生離異之念，莫違陰陽之道。是故夫婦相處必謙恭互信，誨之以禮，復以教德，諒以相容，和以相安，身教和敬，則為後世子孫之效尤，扶振社稷之風氣。

第五章 謙和禮讓篇

張果老仙翁 降

詩曰：辭讓禮節貴尊和，謙恭君子卑賢歌，
滿損謙益吉福卦，虛心若谷太平謳。

竊以禮者，天地之常經，萬物之規序，其體至大，其用至廣。道德仁義，非禮不成；尊卑貴賤，非禮不定；冠婚喪祭，非禮不備，是知「禮」也者，風俗之源也。若用於國則邦安，用於家則順，用於夫妻則和，用於父子則孝，用於兄弟則悌，用於朋友則信，然禮之為用，猶以謙和辭讓為本。

古云：「終身讓步不失一段，終身讓路不枉百步。」是故，讓者亦為禮之端也，人人知禮謙讓，當為社稷之福。君子謙卑以修身而齊家，試觀顏聖無伐善無施勞，作克己復禮之謙德；嘗聞孔融讓梨，而知長幼有序；周公旦曾因一沐三握髮，三吐哺而禮賢下士；堯舜禪讓之德制，而定國安邦。古聖先賢以謙和辭讓為禮，作治國齊家睦鄰之方，足為後世典模而垂教效法。

《易經·謙卦》云：「天道虧盈而益謙，地道變盈而流謙，鬼神害盈而福謙，人道惡盈





而好謙。」易卦之中爻爻俱有吉凶，雖乾坤二卦亦不能免，獨於謙卦，六爻俱無凶咎，可見謙之美德也。《尚書》亦云：「滿招損，謙受益。」經典至理，足以為法，是故謙和之禮，為人所必習也。今富者易生驕，貴者多生傲，文墨者恃才而自滿，農工商者亦以有成而凌囂。倘不能虛懷若谷，謙恭受教而自鳴得意者，亦難邀天眷而自損福德。爾為世民低心下氣，和以禮賢，定能添祥瑞於社稷，此謙禮之俱德也。

若心中傲物必生紛爭，所謂：「居上而驕者亡，君子當泰而不驕。」莫趾高氣揚，惟知有我心滿意足，眼底何曾見人，未以謙卑自足，何能以虛容納萬事？且知百川匯渠而人大海，虛空廣大，物無不包，而為民庶莫不以謙沖自牧，習有德者而知謙禮。老子亦云：「不自是故彰，不自伐故有功，不自矜故長。」上仕無爭，下仕執德，告謂世人以卑下容物之心處世。爾世人苟以傲而待人，遂生禍患，攘擾其心，自害己程，當視以警惕。

勸爾官宦軍民，士農工商，謙禮而事成，和讓百無災。待人若謙和，人必以恭敬，欲以家和，則互讓為本，虛心相對，齊睦族親，後世子民必以效法，傳之於社稷，當能保民之無殃，爾民等謹記奉行。

第六章 尊師禮敬篇

曹國舅仙翁 降

詩曰：師道隆尊禮敬嚴，聖賢儒宗傳道先，
尊師詔北禮終日，杏壇薪火育萬年。



蓋師道之隆也，上溯杏壇洙泗，下美鹿洞濂溪，丕振綱常，敦崇文教，此師道所以繼文明之盛也，其綿淵源之統緒，振文物之輝煌，《學記》曰：「師嚴然後道尊，道尊然後民知敬學。」師道不尊，則學鮮能成器。

古先王之制禮，尊師重道，雖詔於天子，無北面，所以尊師也。雖天子之至尊，倘師講授於君，則無須行君臣之禮，以示尊師之道也。奈何當今之世，正道衰而聖教廢，師範微而道義乖，生徒子弟欺師背道者，握髮難數！何意人心錮蔽，藐視儒風，泰半民庶之流，賤詩書為敝屣，視文章為弁髦，名教綱常，皆壞於頑徒孽士；斯文道德，悉墜於衰頹亂世。

慨思人世之功名學問，無非賴師以培之，誰人自得其成材？身為子弟，當尊師重道，恭敬禮卑，莫違亂綱常，所謂「一日為師，終身為父。」杏壇之倫理，亙古猶新。師之嚴厲，視子弟猶如玉藏碁石，必經雕琢而後成器。若遇頑劣子弟，未嘗棄之，初以循循善誘，若不

受教，再整肅言行。倘猶乖戾，則略施以杖履教鞭，使其心生警惕，以馴其桀傲之性，師心雖感不忍，然其用心良苦，終究培材聖賢，而光前裕後。

竊以人生之宏恩有五，天地君親之外，惟以「師」列位。夫師者，司也。為萬人之司命，其師道啟弟子心思，培其智慧，造其英才，端正性命，其恩浩大！故蒙師恩，猶如父母之德，浩蕩瀾天。縱師嚴而責厲，當視以煉鐵成鋼，不教不嚴，難以成材。所謂無規矩不以成方圓，有規矩而後知曲直，知曲直乃能辨是非，辨是非方才能明道理，而成君子聖賢矣！茲有良師訓誨，知禮明義，而後子弟科甲可以聯綿，福祿之駢臻，可以久遠。

故人問何為貴？敬尊師長，必列其一。然何至徒使文風掃地，逝者如斯，豈猶致嘆聖道不行，衰也甚矣！今生徒學術之不精，德業之不守，挾傲輕師者有之，挾貴抑師者有之，挾勢逆師者有之。身為子弟，務必以禮恭惟，莫受師訓責而抱恨於心，多方詆毀，計害良師，其行逆道違天之舉，神人共誅，必遭天譴，事業難成，功名不就，縱陽律雖得倖免，然其陰刑斷難逃道。

今師者廣種桃李，傳道授業，振拔人才，期使鯉躍龍門，教生徒子弟因材施教，而無分富貴貧賤，師職之倚重，喜杏壇雅化而春風化雨，職責匪輕。爾為子弟倘未能尊師重道，服侍師前，寒喧體暖，輕慢師長，其禮義既廢，有負四民之首。故學聖賢書，必知禮行義，視師如父，體貼入微，盡禮以敬師長，若能拳拳服膺，則良材必有成，家道自隆昌，盼能謹勉奉行。

第七章 雇僕遵禮篇

藍采和仙翁 降

詩曰：主僕禮定尊卑分，雇守本職忠順誠，
敬畏狎犯莫違道，進退儀節盡綱倫。

夫以禮者，名分所由立，尊卑自所分，儀節遂有定。人苟無禮則失分寸，敬畏弛，而紊亂狎起，是以人倫常規，當以禮定而遵循天地法則，方能依循常軌，運行不息。故古人以素守其位，而克盡忠職，今人違禮以自尊，而以下犯上。雇僕守禮，尊卑進退宜分，倘未能守禮自居，謀人職而怠守本位，甚至紊亂方寸，偏道離軌，一切行儀傲慢無節，有損雇僕盡心忠誠之禮。有謂主賓以分，主僕有倫，為主者必知其身份，行正而教諸雇僕，訓以禮而卑讓儀節制度，莫以養尊處優，而狎主自尊，疏棄儀節，身無自重，如何生威儀以引領群僕？主無寬下，如何立德範而教導於無形？

古諺云：「敬人者，人恆敬之。」卑禮恭惟人之基，故侍奉主人，必有誠樸禮節分寸。觀爾今之雇僕雖謀人職，十有八九未能盡職守禮。事主言語未以溫和，任主呼召亦緩不經





心，唯諾不行；甚者躁暴粗浮，任主使喚，如同馬耳東風，面容怨色，心有不甘，既未遵僕禮，終為人所疏離。身為人之雇僕，當盡己職，勿談是非，勿作嬉戲，順承無誑口，侍主如至親，乃為雇僕之道也。

既為人役，必上下有禮，領俸知克盡其職，受僱知上下進退，尊讓自下，守禮為貴。是故，工於主家，若擅離職守，時以言語沖犯，或於主前矯揉偽禮，暗行勾當，私譎巧詐，陽奉陰違，逞私作祟。甚者謀主之事，取主之俸，竟買通外賊偷盜財物，竊貨品文件私通謀取，而作狼犬宵小之徒，其行可誅。亦有者雇僕，慫恿主人，借貸銀兩，投資不正之業，致主虧損連連，蒙受不白之害。或有為僕者，心性暴浮，躁急氣烈，舉止行事，進退禮節無存，于主家稱兄道弟，倘有不依，卻施以拳腳或報復以害殘，恐嚇其身，惡意相向，迫使主者惶恐難安，此等工僕者，行徑乖張，令人髮指。

自古皆知以下隨從主家，循分以盡其禮。今則不然，每聞工者受主禮遇，侍如賓客，竟受寵若驚而忽己之職，以下而越上。既禮儀顛倒，倫常無分，違心謀利，實已違背天理而行，且冥律昭彰，絲毫不漏，縱享一世之福，難逃幽冥之刑。奉勸爾等雇僕為工者，當以下禮而尊上，素其位而行，是為君子小人之別，切莫犯此而失福澤，謹而慎行。

第八章 戒淫守禮篇

護國元君 九天玄姆 降

詩曰：萬惡首源淫孽先，背禮貽世罪萬千，
關雎失禮世風墜，勸君正道戒淫前。

竊謂夫婦肇人倫之始，端正禮儀規範，古聖賢制定禮則，遂定民風良俗，而為世人遵守之。茲因男以女為室，女以男為家，關雎之禮，鴛鴦定偶而不相亂。夫夫婦婦，人道之常，越禮亂倫，淫孽首重，諸等禽獸淫邪之行，志士所當力戒也。

試聞為夫者，厭棄妻室，得新忘故，風流是逞，而貪花放蕩；或為妻者，偷踰紅牆，妻子背夫，婦道節損，而坤儀失貞。爾為夫妻，不法天地禮則，竟顛倒紊亂倫常，德操已墜，廉恥盡喪，家道焉能興旺？宗祠後祧豈能鯉躍龍門？今既已廢禮法於人前，此等行徑，神錄天鑒，必當削福減祿，滅嗣而誅其壽。且萬惡淫為首，世人皆以淫孽為無人可鑒，殊不知邪淫敗節，穢德必彰，而自損陰鷲。古云：「殺人者殺其一身，淫人者殺其三世。」倘視為戲言而暗室虧心，莫存僥倖而神目無睹，日後良心自譴，果報陰懲。



人性之陋，惟淫難戒，罪孽惟淫最重，蓋淫念之心，惟在定力耳，禮未逾矩是為守本。縱邪緣未湊而生幻妄心，受美色而惑，設計引誘，若求愛不得，則遂生奸害妒毒之心，種種淫念惡行。世間淫孽不一，有者見婦女時時注念，刻刻存思，廢飲食而形夢寐，此謂之想淫。若見婦女，言語輕挑，口角逗引，恣謔諧以動心情，謂之語淫。見人婦女，假託慙慙，掩飾禮節而圖媚悅，謂之意淫。若有心凝視，著意偷窺，眼目射而神魂飛，謂之視淫。若此之類，不論想、語、意、視，雖衽席不交，形骸未接，而淫心已動，淫惡已彰，止恨無隙可乘耳！是以天鑑分明，起心動念，早已錄之，各以情節輕重，而定其過愆。嗚呼！世人淫罪易犯，即平昔硜硜以道自居，以正人君子自命者，猝遇邪緣，不能定情，鮮有不失足污池，沈身慾海中矣！

人間之世，難見嫠婦孀寡，守節終生，歲月遙遙，難忍空閨之寂，數載貞心，則因彼時之慾火未覺，琵琶別抱，亡夫黃泉必暗淚哭傷，此淫罪滔天，鬼神實難寬縱也。今之坤流，幼婦少女，貞心未固，月夕花晨，難保玉節冰操，婦德貞節。或因貲財而獻身，或情慾動而苟合，朝引夕誘，食物投其所嗜，衣飾迎其所好，於是玷門風，壞名節，宗族恥其為婦。如不幸庭宅生波瀾，夫妻反目，母女失和，此等罪過終生抱恥，何能寬恕？

《傳》曰：「男有室，女有家，毋相瀆也。」《禮記》云：「內外亂，禽獸行，則必滅之。」是故淫戒難守，禮法難盡，身為人者，欲除淫惡，務循禮法，持身以正，暗室獨處，不動淫思，夢寐神魂，亦無邪見，則志氣清明，無憂外誘。勸爾世人務必各砥礪名節，慎加防檢，勿入淫僻之途，則可居家有節，共享昇平之福，咸成禮教之鄉。

第九章 行禮遠色篇

公西子華夫子 降

詩曰：禮制規矩正人倫，常守正道禮修身，
寡慾遠色心靜念，行儀無虧復古聲。

古詩所云，關雎之禮，男女溫婉傳情，深意而雋永。昔時禮教規範，男有分際，女有歸屬，合乎人倫大義。怎奈現今世風日下，歐風東漸，男女交雜無分，貪淫喪倫失德，慨聞人倫盡喪，色淫風遍佈，禮廢而邪道生。人既失常軌，離經異說充斥，好色貪淫之輩，挾逞風流才子之放蕩，明知好色風流，造孽傷身，卻難止慾火之念，穴隙踰牆，竟消魂失魄，而樂此不疲。有謂男女有別，左右分其道，是以色淫之行，志士所當力戒也。

為父母者訓勉其及時，視貞操如玉，莫以好奇誘惑，遂動心邪，拋節貞而失其完身，慾火焚而喪其理智，縱強勉臨嫁，其污褻缺點，清名沾沾，亦難以抹記。今色慾洪流，滔滔泛濫，輕薄成風，邪淫成俗，情海易生波，卻無視禮行於夫婦。或見同命鴛鴦，結連秦晉之好，一時男歡女愛，猶重婚姻之禮耳。何人不圖百年和合，白頭偕老，然事與願違，世人之犯淫，貪花戀色，蝶飛花叢者，竟成賓上客，致夫妻分離，或子女孤子者，時以耳聽充聞，古風已遠，令人唏噓！



甚有里巷遙傳穢聲穢影，人前大言閨闈之事，習為飯後閒談，有損純樸民風，此等行徑淫罪，禍遺鄉民。為後生青年晚輩聽聞，而效以淫蕩之身，視男歡女愛為兒戲，習以為常。倘心智偏頗，競逞性愛，損其健常之體，使未充之精髓而消其蝕骨，豈不破人生大節，無心學業，荒廢事業，亦害後代之久遠，是故當以身行正，切不可因邪色而誤一生。

朱子曾曰：「守正者必獲福，貪邪者必獲禍乎！」禍福之分，當守一正心，邪淫之念，首重慎獨之功。曾子曰：「十目所視，十手所指，其嚴乎！」人間私心邪行，神目如電，察記分毫。今邪色之行，不正之事，已失禮法，倘因親戚瓜葛，不禁往來，或左右比鄰，偶然聞見，總當以禮相待，莫以目邪嬉褻之言，頓起淫思邪念。甚者設計施謀，惡端百出，技癢心熱，迷誘色姿，自謂風流雅事，實乃喪心病狂，令人髮指。既禮節蕩然無存，視色淫為家常，其行徑與禽獸何異？

又或有無知少年，血氣之未定，正念難持，熾為淫思，想入非非，聞色淫而好奇，竟難抑色心衝動，此未受禮法誘導，正言規戒所致。彼年少焉知厲害，而慾縱成患，樂極生悲，是故常聞畏寒內熱，咳嗽咯血，腰酸背疼，下元虛冷者多矣！再聞坊間艷詞小說、淫畫褻曲充斥，亦屬導淫之階，其害遺毒人心，其罪恐墮地府。

有者身添士儒之衣，雖有錦心繡口之才，然艷冶美色當前，豈不令人心動，魄飛神離？此迷色而功名殆廢，文昌金榜離之遠矣！縱使人榜有望，然沾染邪徑，亦使一生難保清名，豈不令祖考聲名受辱，父母掩面而無顏？世慾紛紛，守禮戒色是為清靜心念，爾等世人若未能以禮行教，徒造淫孽之罪，豈令天降疫癘，罰民陰症而夭折絕嗣之報，待其歿後當受幽冥苦刑，勸勉世民能引警惕勵，戒之遠色，是為人之本也。

第十章 嗜酒亂禮篇

陳搏真人 降

詩曰：酒入醉鄉莫性昏，亂禮迷惑淫念生，
勸君智性聞禮教，盍學禹訂誠酒箴。

竊謂酒乃四戒之首，亦為淫亂之源。雖淺酌有助雅興強身，然若不知節制，嗜酒成癮，則足以令人失其常性，致令昏昧，行且荒蕩。其可迷性而傷身，甚以亂行而家亡，世人每以嗜酒為樂，當知酒可酌飲，不可沈溺。人不知其毒，酒精戕身麻痺，酒癮喪失理智，猶如鴆毒解渴，自取滅身。有謂酒為穿腸毒藥，蝕骨傷身，遂至形骸顛倒，搖搖欲墜，不知其所言，舉止失方寸，因而禮法規矩已無，正道儀節隨之廢矣！

古聖製酒有其義，《周禮》云：「辨三酒之物，一曰事酒，二曰昔酒，三曰清酒。」本令祭祀禮敬鬼神之用，怎知竟使世人貪杯好味而荒度無日，誤解其義，引其杯釀成敗身之源。昔日杜康造酒，迷亂世人，今猶禍罪陰刑，亦有後世效其法而續害庶民，其心可咎！為貪一時利圖，鋌而走險，遂造假酒荼毒害人，天殛其孽，恐罪及子孫，禍殃三代，能不警醒



否？故酒亂人心，使士儒敗名損清譽，官宦醜態遭貶職，農民荒疇廢耕作，亦令商賈耗其貲，此酒倘無度，便成為殃民之因，當以深思其害為是。

諸葛武侯有言：「醉之以酒，而觀其性。」嗜醉者，善念悉除，惡念熾發，醒時未敢為之，醉則恣意妄為；醒時未必敢言，醉則恣言禍之。醉酒亂性，躺臥街頭，自失身節，致凌辱親長而犯上。顛狂放肆，如犬馬之徑，酗凶惡行，醉語連篇，禮法蕩然無存，此酒喪心墮志，殘害己身甚深。子曰：「唯酒無量，不及亂。」當告知爾嗜飲之輩，適而節制，飲之無亂，莫以酒而無制之謂也。若嗜酒逆亂而失綱常，藉酒以廢禮章，則罪莫大矣！

今人恣酒而不恣生淫念者鮮矣！夫內火方熾，淫慾怒發，猶且難防，黃湯下肚，醉飽行房，五臟反覆，得病不小，壽祿損紀，尤宜痛懲。更有因醉鬥狠，而受辱喪命者，侮之何及？甚者淫褻荒度，顛倒倫常，指里罵巷，壞德性於庭垓，既貪酒廢業，有損父母聲譽，妻兒無家安。亦有令人嘲解者，莫如酒筵爭勝負，划拳較量，世間庸俗之舉，不過片時意興，爾輸者不為辱，勝者不為樂。爾等當明嗜酒無常，亂禮違逆，恐日後遭禍劫誅之，陽世身遭毒症陰懲之報，莫謂天律無知，而以身試之，今吾降筆，勸勉正行。

第十一章 妄言非禮篇

太乙真人 降

詩曰：妄言口孽造禍殃，非禮頻作惡昭彰，

肆無忌憚逞舌快，緘默金口修德藏。

夫禮者人事之儀則也，上自君相，下及庶民，大而朝聘燕享，小而冠婚喪祭，莫不有禮以範圍其間，亦為人來互往約行之範，故禮之於人亦大矣哉！是以人而有言，亦是身範品格所宜之誠，當戒慎謹防也。

古有三緘其口美德，意誠其口之妄動，實謂贈人一言如獲珠玉，毀人一句如受刀戟。君子之言為天下法，開言穩如泰山之鼎，莫以輕薄失言意，言語攸關非輕，大則及於社稷，小則繫於六親。是以一言足以興邦，亦足以喪國，言之當與不當，有其宜或不宜。古時子禽問墨子：「多言有益乎？」墨子曰：「蝦蟆、蛙蠲，日夜恆鳴，舌乾舌僻，然而不聽。今觀晨雞，時夜而鳴，天下振動。多言何益乎？」此乃言之時宜也。爾等世民，常以多言無忌，鳴聲妄談，如蛙蠲之屬，無其中用，鼓三寸之舌，造萬般之孽，而受人譏毀，可不悲哉！



今世道凌夷，人倫偏廢，多見徒逞利口刀牙之輩，毫無忌憚，弄彼舌鎗唇劍，且謂聰明。由是習釀成風，人心於以敗壞，誰能惕己之失，靜默寡言，而鮮談人非或評人之隱私？今因失言妄語，而導致破人婚姻，毀人貞節，攻訐人私者，難以指數。須知言語之出入，即禍福之攸關，既未能效聖賢，不知隱惡揚善之德，其言多造口過，雖非禮勿言，人皆知之，嘆哉！竟視古言為戲談之具文，而致造孽於一身。莫以為口舌妄言之小，惡言傳千里，亦足以忿釀莫大之禍端；毀人一世，自造罪孽，陰鷲虧損，削福祿於無形，是為爾等世人，必當謹言而慎思耳！

夫聖賢教化，教人謹言誠口。爾為士子，當以傳承誦讀，行以正道，非以口誦心違，自棄古聖之良箴明訓，如此行徑實令人惋惜！明知妄言足以害身，竟以身試法，而妄論荒淫之義，戲謔於捕風捉影，詼諧於笑談之中。甚且時下公然談論閨房深幃、摹繪花柳之醜辭，邪言痴語，流傳鄉里鄰坊，穢事四播，古之禮法至此，既墜而廢也。又或見逞一時快語，利口譏鋒，陷人於訴訟惡言；或壞人名節，侮辱而貽害名聲於無形；甚且因一時之言，摘人隱微，毀人終身，此等行徑，恐傷天地太和，自種禍根於身後，歿後必遭陰律冥報，受割舌泥犁之刑。

奉勸爾等士君子，當謹言以嘉惠百民，積陰德於子孫，切莫口腹蜜劍，亂言以招尤，勿陷身於踰矩，宜守禮法規臬，謹身思言，守口而循禮，積口德而存誠，必蒙天神歡喜眷顧，賜福護佑，勉之！

第十二章 敬天禮神篇

雲夢山 王禪老祖 降

詩曰：天地至尊禮敬先，暗室莫虧慎獨前，

淑躬正德鬼神欽，禍福天鑒修德謙。

竊以乾者為天，大哉乾元，萬物資始；坤者為地，坤厚載物，百彙咸亨。天地之化育生成萬物，山陬海隅之處，莫不咸沾其德澤，故功高至大矣！天為萬靈之主宰，雖無言無聲無象，然四時有序，循環不息，風霜雨露，亦依節氣而行，誠能風調雨順，而後施潤於民，是以天能不敬否？

所謂「皇天無親，惟德是輔」，敬天之道，當以修身立德，存至正之心，行乎至德之舉。子曰：「大哉！堯之為君也，巍巍乎！唯天為大，唯堯則之。」昔之古聖堯帝，知天之至尊浩德，故能敬天之德，以為教化百姓之則，而國得善治。無如今之人心盡昧，厚德罔知，視天地為無知之自然，竭盡破壞，呵風罵雨，竟藐忽天地，視鬼神而無存。相沿謬風劣習，充斥寰宇，形褻慢之念，恐禍敗於自身，令遺殃於子民，而獲咎於百年。

《中庸》有云：「鬼神之為德，其盛矣乎！視之而弗見，聽之而弗聞，體物而不可遺。





使天下之人，齋明盛服，以承祭祀，洋洋乎如在其上，如在其左右。」故知鬼神當敬而遠之，非以視神而求，或以諂媚趨俗而得其願。倘能敬上而處以中道，莫以偏執，又何須避之遠之呢？爾為世民，禮尊神明，若行之正道，而不求取邪徑，必能誠感鬼神天心之為助，是以不求而得之。故人心正而神自正，心邪而神自邪，禮之行，必以敬天效地之法則，自能教化於民，此為敬天之理也。

太上亦云：「天地至大以司化育，神明遂應以鑑禍福。」天地處高而聽卑，以日月兩曜而照諸天。神明之為德，雖渺渺幽幽，勿以不見而弗存敬意，聖賢德聽天命，當以教化明而天下服矣！敬天地、禮神明，屋漏不敢欺，慎獨暗室，自求無愧，畏懼明明上天之洞鑑，遏惡隱微，戰兢若持，行於心念，是故敬天之道，必以修身德居，盡己之行。

試觀天降災祥在德，惟天命吉凶在人，禍淫福善在天。今人不知敬天禮神之舉，偏離綱常之道，不敬三光，不敦五常，淫荒放蕩，已違天地之和。甚而醴牲備酒，徒邀媚神之功，求福利己之勢，此等愚民惑心，竟想妄邀天眷。當知上天有好生之德，豈是爾民庶恣殺生靈，即可圖天之賜福得祿？天地既以聖人治世，當以傳禮而後教諸民，神明虛靈，浩浩彌存天地，監察人之左右，言行若以禮敬，當報以福善，倘以諸行惡端，視神靈虛幻，當報之凶禍。

爾等民庶當知尋本溯源，以天地而尊，禮敬神明，行無為之道，莫以貪味求福之心，寵邀神應，德之不修，身之不行，如何為天之顧眷，神明之冥助乎。但願爾之世民，必以禮化四海而遵天，自得天賜垂降祥瑞，風調雨順，民富安康，四時有序，八節慶和，以茲為勉。

明燈寶鑑

義部

護國九天宮忠孝堂 印行



第一章 捨生取義篇

南華帝君 降

詩曰：義氣浩然貫乾坤，塞彌天地萬古存，
捨生凜烈鬼神敬，德蔭子孫世祖馨。

聖賢傳教立經，敦扶三綱五常，義者，心之制也，行之宜也。萬民黎庶行持，以義貫存，信守名節忠貞，涵養天地正氣。自古及今，明大義恆持之英雄豪傑，義膽忠肝相照，不畏生死之患，終成其大義大勇。有謂「死有重於泰山，莫以輕如鴻毛。」倘有畏懼慊餒，何能成其千秋大業？

且觀昔日關皇武聖凜忠義之氣，矢志安劉，不畏曹瞞利誘，不懼孫吳之脅，過五關，斬六將，秉燭達旦，盡乎義忠之志；又聞龍逢、比干剖心，不畏直言之義，天下共知其名；張巡盡忠，難退義節；甚有天祥夫子，善養浩然正氣，配義與道，直養無害，千秋萬世義道，維乎乾坤，足為後世敬仰而效命也。

試問：「人生自古誰無死，留取丹心照汗青。」死不足惜，亦不足畏，必也從義，斯



能就義。孟子有云：「生，亦我所欲也；義，亦我所欲也，兩者不可得兼，舍生而取義者也。」是以人而無義，雖生猶死也。螻蟻尚且惜命，誰人不惜性命，自古聖賢能舍生者，莫不舍其至親，此椎心刺骨之痛何其大矣！只為全其大義，犧牲小我，完成大我，舍生而取義，以此浩然之氣，便足可上證天闕流芳百世。賢人君子時抱浩然正氣，志達蒼穹，上沖日月，彌貫乾坤，草木震驚，氣正人畏，讓人崇敬，畏如聖神。

嘗聞今宦宦之輩，見義思遷，惟求利而圖謀詭計，素懷官商利益之門。蓋人非義無以立身，非義無以制行，雖有君臣之義，無行臣民之職，背義而貪生畏死，忘義而奸盜恣生，假權柄亂王綱，損社稷版圖，適害百姓於水火。古往聖賢豪傑，皆盡忠行義，鞠躬盡瘁，死而後已，此忠臣志士，於今已不復見，亦少聽聞！

古云：「志士仁人，有殺身以成仁，無求生以害仁。」所謂士可殺，不可辱，縱拋頭顱，灑熱血，亦難變志節。君子處逆而威武不屈，不為利誘，不為名遷，此等義氣高烈，鬼神亦為所動。甚有結義金蘭之盟，天地誓證，雖一時膽魄天驚，而列入蘭譜。然日久見人心，終為利而散離，曾幾何人履踐義節，棄生而忽大義？是故朋友之交當守義，而明乎義情之貴。

奉勸仁人志士，守義忠膽，生死不足論，綱常為之根，道義恆可貴，義利判分明，此為君子、小人之鑑。義之所趨，事之行宜，欲萬古常馨，必視生死度外，取義而證古今，爾等庶民行之以恆，必昭昭而獲福耳。

第二章 交友守義篇

冉有夫子降

詩曰：義結金蘭情誼堅，親賢聞道莫失偏，
以友輔仁擇直諒，遠佞避禍福自全。

夫朋友者，與君臣父子夫婦兄弟，列於五倫之內，自有其道存焉。朋者同道也，朋輩於道德，則以友輔仁，友以義合也。故友朋之選，當擇其正道，有德之士，慎交重義，親益己身，勿以濫交而損己德矣！

夫子有云：「益者三友！損者三友！友直、友諒、友多聞，益矣。友便辟、友善柔、友便佞，損矣。」君子禮義而交，小人以利而合，是以結交道義之輩，助己德業日進。若與酒肉之友相交，近朱者赤，近墨者黑，矢口絕無禮義之言，遊蕩悉是輕佻之行，此友何能助身焉？甚有浮薄口蜜腹劍之流，貪圖邪徑，社鼠虞詐之輩，謀其利而喪義，逞其威而群聚，狐群狗黨，道義不講，德行喪廢，徒增社稷之禍。所謂友善則勉，友過則規，彼此規勸，各有成就，是真友朋也。





試聞古賢廉、藺同心，名傳後世；管、鮑知己，道仰今茲，千秋蘭鑑芳史，後人仰之效典。於今世風不古，友道衰亡，人人所交已無金蘭之盟，雖名為至友，於利勾心鬥角，刀槍劍影，殘害不仁者有之，背義害道者有之，欺凌壓榨者有之，而今小人群居終日，言不及義，所言者毫無仁義之論，所述盡為荒謬極奢之詞，以此言交友，於身心何助？

是故交友之所慎，務求正道之士，而於道德有益。夫子亦云：「與善人居，如入芝蘭之室，久而不聞其香，即與之化矣！與不善人居，如入鮑魚之肆，久而不聞其臭，亦與之化矣！」然交友之道，於今世道凌夷，真情道義已無，小人僥倖，而誘之以邪徑，出入則戲場茶館，來往皆酒色舞榭之所。倘有利則稱兄道弟，視若刎頸之交，若無利益可圖，縱爾貧賤潦倒，投靠無門，友朋道義何存？生死情義何在？嗚呼！炎涼世態，此刻此境，嘆人情之冷淡，如冬寒雪霜，令人寒慄悲泣！嘗聞麋鹿遇食，則呼聲而群鹿聞至；蟻虻覓食，竟列隊而招引同類，爾為萬物靈首，見此情境，豈可不如乎？

竊願同道之士，開益友之徑，為友朋守義而行，莫以見富貴而忘道德，臨利誘而喪道義，如有有義之全，釀太和之氣，交友謹慎，必也同心同德，砥礪互勸，且將以古聖為友，繼往哲、開來學，百年不斷，存古今之義氣，亦為後人效法，繼承奉行也。

第三章 士儒遵義篇

子游夫子降

詩曰：文質彬彬士當先，學禮遵義效聖賢，修身齊家儒風立，正己化民潤德前。

夫士君子者，士為四民之先，君子為德行之範，其品格高貴，凜遵大義，教民以道，足為後人頌仰。士儒身人庠序之教，當恪守師儒品範，遵行禮義之規，知書達禮，明乎仁義之用，其責匪輕。聖賢立教，非以名而盛勢，非以利而惑身，當傳之以義氣，浩然充塞，守禮綱常而固守節義。

試聞先師至聖，逢陳、蔡之亂，屢受飢困之苦，然君子高風亮節，堅守道義，臨窮困厄難，亦能威武不屈，志節浩然，終解出危；且知伯夷、叔齊二聖居首陽山，寧屈餓身，貞其忠義，名標青史；而伊尹居百民之中，寧效堯、舜甘於畎畝之樂，賢相君佐，興世安民。既為士儒，習學禮義之性，切不可因國亂而變節，聞死而畏懼，縱臨淵井，投焚火鼎，必以遵



節成其大義，是為真義之行。

孟子曰：「士窮不失義」若士失義，不可以為士矣！無如世衰道微，士風澆薄，盡尋章摘句，徒極情於月露風雲；誦詩讀書，專馳心於功名利祿，任意縱慾，行之鮮恥寡廉之為，習俗相延，充斥於世，有如過江之鯽，悖義貽玷宮牆者，指數難陳。倘身為士者，書筆代為訴訟，明知民庶雪冤難告，若因財而廢義，榨取不法。或因利而伐義，失仁敗德，未能為民喉舌，此害義芻狗之士，令人指唾不恥！若與友朋往來，自當有難相扶，有事相助，非是落井下石，損義之交。故爾士儒承古聖道統，續揚仁義精神，處事亦當集義以養其正氣，或逢利不為所動，臨死不為所屈，捨生而取義，此忠肝義膽，何人不畏，鬼神亦驚！若見異思遷，懦弱無志，見利失義，正氣已無，廢義而盜名，皆非君子之為。

故既為四民之首，行大義以正己，而後與民效法，遵天理行以仁義，萬民仰之。願爾士儒，有朱墨之才，當抱義無虧，正己化人，循分守義，自可種馨香美名於千秋萬世，勉之奉行。



第四章 施恩知義篇

護國元君 九天玄姆 降

詩曰：知恩圖報君子為，重義輕利天眷全，
受人施捨當回報，積德蔭佑子孫綿。

夫木有根，水有源，人當知本思源，受人之恩，湧泉以報。無報者，忘恩負義，有違人情義理，縱所受如燃點之惠或片語之言，亦須慎記心懷。今有謂小人皆望人施惠，卻未以感報，君子不輕易貪求小惠，自求多福，是故小人、君子之分野，視其心志耳。倘以受人之桃，必報之以李，則知足感恩而同以此舉，嘉惠他人，廣為散播仁道義舉，推己及人，亦不失受恩回報之用意也。

舉凡善事力為不欲人知，行無為之道，若刻意偽善以求盛名，則失行善之真意也。世人稍行片善，常望其報，朝夕助人，時以沾沾自喜，念念求福之報；一旦遇逆成之事，終怨天地之無情，以為行善無報。實乃有心為善，雖善不賞；無心為惡，雖惡不罰，上天洞察分明，自無差也。故佈施恩澤不望報，無心為之，則自種無量福報，勿以執念不化，方為德之



俱足矣！

古云：「施恩慎勿念，受施慎勿忘。」是以身而為人，逢難受人恩惠，得救濟於一時，當耿耿莫忘，而施惠者亦須視無心之作，莫奢圖人之回報。於今古風淪喪，道義罔廢知恩者鮮矣！若受惠尚小不知感恩，卻積之以憤，積憤以怨，繼以怨而成仇，其恩將仇報，忘恩負義者其數為多。所見耳聞或背叛親離，或見利思遷，亦或背主圖謀不軌，甚者內神通外鬼，心懷不良，忠義無存，神鬼唾指，此等忘恩背義，寡廉鮮恥之徒，終難逃離惡孽之刑報。

孔子曾曰：「義忠之事有三：『一曰屬僚事官，二曰工者事主，三曰臣者事君』。」施恩知其義，受施知其忠，身居夥計，受僱於東家，有惠於己，既謀人職，自當忠事己身，東家有義，主顧互同。若為屬僚，謀略事官亦知其義，體恤百民為職，主察民之隱憂，則官知民情而能施惠助民，此忠義互行。若為臣子，效忠君主，而為左右肱股，君臣有義，則為天下百姓之福耳。

是故爾等世民，施人以惠，報人以義，身體力行，無思無求，陰德所積，子孫蔭佑受福。若人有惠於己，終身世世必當圖感恩感報，後代子孫亦莫忘恩澤，是得以義行千秋，福德無疆。

第五章 見義勇為篇

南天齊天大聖 降

詩曰：見危思義履行仁，臨困不懼正氣伸，
君子大勇承天志，鬼神欽敬照丹青。

夫義者，路之正也。集天地浩然正氣，其為氣也，配義與道，斯以生焉。君子不憂不懼，內省不疚，何若不憂不懼否？所謂見義不為非勇也，君子集義生勇，其勇為大丈夫之勇，小人無義之勇，藉血氣剛強，不謀思略，搶一時之快，其勇乃逞匹夫之勇，雖臨深淵，亦退縮其志。人而無義，不知其可也。故孔聖曾曰：「君子有勇而無義為亂，小人有勇而無義為盜。」可見「義」之為要也。是以君子當以無畏之志，見義勇為，見危救急，見死而救其生，此義之行也。

故君子行義不為權傾，不受利誘，雖有富國之利名，亦視若浮雲，而成其大義。顏聖云：「舜何人也，禹何人也，有為者亦若是。」效法聖賢之路，見義而行其仁義，古今見義勇為者，鮮之難聞矣！反觀今之民風蚩蚩昧昧，好逸惡勞，多求自保，自掃門前雪。擁權勢





者，多見為虎作倂，以利相交，壓迫欺弱，鮮有見義而力行助人者。何幾有人能伸張正義，以天地之心，仁人之念，為天下蒼民而思？倘行之公正無私，捨己救人，自為鬼神欽敬，若正義無存，邪氣橫流，已違天地之仁義，則災禍殃民，是人自作孽，何求苦而禱天，誠不應也。

爾等身為民者，勸行仁義，至正無私，抱持大無畏之心志，雖荆棘橫佈，阻撓見困，亦或浪滔洶湧，障礙重重，難改其色而勇往直前。所謂君子行健，以自強不息。是乃見義而無我，大勇而不懼，仗義止於仁，挽既倒之狂瀾。凡我士農工商，倘若逢人有難，拔苦施急，見義勇為；於人有遭冤陷之苦，訴訟無門，必以見義之心，不顧己危，莫有私心而成人之困；若遇病苦，窮難之民，當以義心施捨，助其暫脫困境；或見惡勢抬頭，霸佔公道，必以正理大義之行，擇善固執，反推其陰謀，莫畏權勢而任恣為所欲為。

今君子成其義，此心光明磊落，坦蕩蕩無愧於天，雖吃虧受害亦心安理得，而小人扭曲正義，私心作祟，道義罔存，其近利貪名，悖逆廢義，則百世難逃因果之譴報。奉勸君子行道，以義傳承身範而留後世馨香。當知義者，為人所本有之善端，果能行之，雖愚必明，雖柔必強。吾等見義必為，不輕其易而不為之，不畏其難而不勉為！勿學小人之輩，壞義之名，終受萬世所棄。忠於身，行於義，小至家齊，大至國興，爾為世人，義利之別，必以分辨，見義勇為，終為世仰，名傳青史。

第六章 好賭廢義篇

南極長生大帝降

詩曰：賭博貽害禍染身，見利悖義損名聲，
棄親典妻箕裘廢，子孫殃刑失人倫。

竊以古堯帝製圍棋以教丹朱，武王作象棋以為作戰佈陣，後世延而施於騷人墨客，成為閒情雅士對弈之賞。至今世民，竟誤其博奕之用，集人羣於暗室喝三吆六，前呼後雉，晝夜未分，陰陽顛倒，怠懈正職之業，精神靡喪，形容枯槁，如此導致志向偏廢，既無心於正業，見利不思義。此等見財而誘惑，因貪而成迷，常行邪徑，自損銷磨心志，日積月累，五臟遂患七癆之毒，此時嘆悔咎遲，然種毒已深，恐大命難保矣！

時見好賭之士，俗風塵染，及於工農商賈，欲思一夜致富，求勝卯贏，何嘗幾人止於知足，所見貪利者多矣！或有兄弟同居一室，因賭債戈矛內鬥，或有父子因賭而相見成仇，人倫廢喪，大義有如流盪海砂，難存踪影。賭博之害，禍延己身，小則損財喪志，桎梏囚牢，大則傾家蕩產，妻離子散。爾等好賭成性，當警惕慎思，莫因逞一時之貪念，而禍報加身。



且夫盜賊者，甘犯王法，為求錢財而假手博弈，亦為財而設局，聚黨好賭之輩，引人人甕，詐財得利。有者以小博大，或銀貸借財，甚者錢莊週轉，始也甘詞誘語，三人一局，每中計一人，使其傾盡貲財。亦有賭性成癮，每因親戚同聚，翻臉怒色，雖賭有輸贏，而勝者受莊家藉故拖辭，賭金難收。敗者卻如喪家之犬，無銀則債築高台。若為小賭，輕可回還，倘陷詐局有弊，恐貲囊罄盡而走頭無路。此等設賭之輩，雖暫得利益在前，然「義」字失廢不存，假手謀圖，實害人匪淺！

爾為世民，明知賭博詐中有變，徒貪小利，落得失廢人倫之舉，今因賭而身敗名裂，遭鄰里之相譏，受親朋之唾棄，縱爾有正業以求，又有幾人能與之互往，實自斷生財之路。切莫好賭廢義，不知自省悔悟，徒責天非助其成，甚者自甘墮落，飲酒作樂，可知妻兒忍受飢寒之苦？其未盡孝道，弗聞雙親憂心苦愁，既為七尺男兒，豈能不以興家立業為正行？切勿得非義之財，造成家破人亡，而喪仁義之罪名！

奉勸爾士農工商，青年蕩子，回頭是岸，莫遊戀方桌，好博弈之局，若能反省回頭者，必速改其惡習，明其大義是為家道之興，族群之益，三思後行，自種福田於後，是為戒賭良方，謹記切行。

第七章 仗義直言篇

南天周倉將軍 降

詩曰：忠烈凜義耀千秋，直心立德萬古流，


仗義直言勸善作，一語興邦濟世籌。

竊以丕振朝綱，行大義於天下，世道欲興，必挾信義於庶民。州閭四佈所趨，以義而治，導之以德，正心禮義，民有所依。社稷重道義，國治天下平，君王定能得民心之仰，此正道之興，天道所扶也。若朝綱不振，臣無忠義之心，逢迎諛媚，趨附權勢，佞奸小人讒言不斷，張弄巧言之舉，明知非為而蒙蔽良知，廢道義之行，究其實為欺世徇盜之輩，其亂或可致喪國，可不慎乎！

此時尤賴有忠義之士，逢言邪曲，必仗義直言相勸，事理自可分明。義者，人路正道也，遇事莫畏權勢，莫懼惡境，其言重理直，君子之為，浩然正氣，終可邪不勝正。既以大局而思，何以畏權而忘義，明知險徑，務必披荊斬棘，而成忠貞義士。

雖明直言逆耳，依舊能謹守分際，忠諫於前。今有者為謀己之利，明知非義之事，竟是





非顛倒，假名義以惑世，施瞞天過海之計，欺世民於無知，取私有之利益。甚者表裏不一，假公濟私，為保職缺，竟擇其非法，明知不可為而行之，假道義而略施訐詭。為官者食君之祿，徵稅款暗抽傭金，肥潤己身，實悖義妄為。倘見諸不公不義，當以仁義之言，而率諸百民，糾正時弊，挽仁義於倒懸，救百姓於水火。

試聞益友擇良，修身以正己，自為君子之交，仗義直言忠告，灼然可見！士農工商者，各有所本，倘若踰義而近利，不知安分守己，素守其位，身心既不正，違背道德，自賤人格。今朋友誠義相挺，直言規勸，態度竟桀傲不馴，憤高自我。故子曰：「忠告而善道之，不可則止，無自辱焉。」是非曲直，公道自在人心，能仗義而善道勸勉，聽之若能改，實屬慶幸，若一時無法言聽計從，伺機委婉忠告而勸，不致友誼疏遠。

是故直言雖逆耳，實為仗義之良箴誥誡。身為人者，勿損陰鷺，若造孽失德，恐折福禍愆於後世子孫。縱世風波靡，愈多滅義之流，雖如水火之猛，亦須大義凜然，正義參天，勇而不懼，方能成就芳名蘭誌之標史，吾今著作金篇勸世，盼正義之行，勿為利所趨，而負神聖之苦心耳。

第八章 雇僕盡義篇

護國元君 九天玄姆 降

詩曰：義重千秋萬世譽，職份貴賤莫視輕，

雇僕盡責素位守，鯉躍龍門石成金



夫義厥本位，無分貴賤，古今皆然。凜守大義者，其德歷千秋萬古，傳揚歌頌。重義輕利者，皆名傳青史，後世敬仰也。今雇僕雖居卑位，有其品格，真守志節，履行忠義者，其倫常守道，與尊主同德，誰以不欽仰？神鬼亦禮敬三分！故身為雇僕，亦有其義道之存，其職匪輕，勿以自輕自賤，當忠待主人，謀義之責。

縱主公偶因失誤怒言，譴責叱喝，爾受聘雇僕亦知忍辱守份，莫挾忿仇而起私叛背義之念，反思主家恩重泰山，豈可因小怨而棄職，背主逃匿。或有雇僕受主之命，託付他處取財索票，必以正心忠誠，莫明瞞暗騙，施計拐奪，私飽入囊，為利而滅義。或逢主家病疾在臥，無分輕重，盡心照顧，即宜遵循主家之命，時刻湯藥協助侍奉；或代為出外敦請名醫，視探病情，皆竭力真心奉行，切莫於命梗危難之際，而掉以輕心，失職怠義。若遇主家遭水

火之災，物損人傷，身為雇僕必盡全力，赴湯蹈火，勇行大義，不畏生死，救主家於及時，方為真行忠義之輩。若明知苦難在前，坐視不顧，退縮遠避，逃離千里之外，廢義而不知報本，其行終受後人所怒指而唾棄乎！

蓋非義無以立身，捨生取義，鞠躬盡瘁，死而後已，忠義之精神，蕩蕩然彌塞天地。爾為雇僕衣食於人，主恩同父母再造，分若君臣，勿以勢利衰而心變，勿以門祚薄而他圖，忠義厚道，任主之喚，不為利而變其節。若主家雇用一日，必竭其力，非貪主之財而假心虛偽，冒充仁厚。若主公家道中落，運勢日趨愈衰，處此艱苦之境，為雇僕者，更不可百端懷異，凌狎老弱，欺侮幼主，此等之輩，義道安在？

既為雇僕，昔日受主恩德，此情此境，必以同甘共苦，明知其危困，縱使犧牲微命，若能體恤主家之難，不計其利，自當曲盡忠職，此時正是以報恩大義，亦顯其雇僕之德也。所謂患難見真情，情中有真義，爾等雇僕職屬居下，義之存於心胸，其德之養，無分貴賤，各盡其本，同遵其道。是以今後傳薪大義之精神，當由修己而後家齊，人倫道義守其常，則社稷肅振綱紀，維乎泱泱大國而慶幸矣！

第九章 農工行義篇

南斗星君 降

詩曰：農工職本明義行，今古相殊損人情，
奪利巧詐良心昧，貴賤無分義知民。

蓋明義者，鬼敬神欽；行義者，世世頌德。子曰：「古之愚直，今之愚詐。」如今民風有別，與古相殊。人情丕變，未知義德之要，習俗已失偏廢，私心不公者，多如過江之鯽；巧詐瞞利者，有如恆河沙數。今「義」之不明，因果昭昭，頓失矇塵，義道之未行，有賴爾民反躬自省，推行儒宗神教於默化耳。

四民之農者，舉足輕重之位，若能盡本有時，稼穡是務，耕耘有序，自謀素位之利，而後民安物阜。昔日樸拙農村，人皆知出入相友，守望相助，遇善必扶，有難當助，未有推井下石，或背義不行之輩。縱遠近有聞，必能探知，如有鄉鄰遇有病疾無助之刻，親朋既遠，有賴鄰居詢問相顧，或調治醫藥，所謂遠親不如近鄰，自當互助扶持，則彼己雙方互受其惠。

昔時今比，天差地遠，農者利誘互爭小利，背叛義名，寧為農地紛爭而逞兇鬥狠，毆傷



暗害，竟視理所當然。若知鄰親有難，亦掩耳無聞，甚至逢苦主而嘲笑不堪，聚眾相凌，既未能予以慰助，反爭相走告，壞其名節，為農者義之失偏。甚見農人兼以捕魚為業，以罟網深入河圳，為得財利，競相以攔網毒取，魚群慘遭毒害，此殘暴泯性，天理何存？爾等農者，自當珍重而捫心自問，倘棄義而不行，蒼天有眼，豈可坐視無睹？多行不義必自斃，此因果惡報終將臨身，深懼者當也戰戰兢兢，惡行莫為。是故，明農者之義者，亦當克守本職，勤耕豐日，既可養家安身，又可富國強民，其功厥偉。

工者於義，當以正本謀職，安守其位，非好高騖遠，不知實事求是，而貪逸苟安。今身為工者，既謀於主家，交付之工事，尤須調度均勻，緩急遲速，按約履行，不因主家一時之不悅而心生忿怨，怠工慢職。甚且受雇於主家，貪得微利，引竊盜之賊，偷取財貲，從中分贓，其不法之心，已離義道而本末倒置。既求財以背義，竟矇蔽良知，暗盜偷兩，其行徑歪曲，喪義而可悲！又或與主家，熟識契好，雖受雇營造施工，勿謂私交而廢義，倘因公私不分，延緩工事，積忿日久，友誼反目，相見豈能安然？

若有工者，承包工程，初面議價便宜，以籠成其事，迨事到手，則百般圖索，提非理之求，或加價，或添購，倘有不成，竟施壓罷工而得逞。爾等工者明知合約書條款，竟不擇手段，邀利圖謀，詭心叵測，此等行徑，喪天良於冥冥，巧詐而害大義，天網恢恢，豈可漏失？果報有因，善惡於此攸分。

奉勸爾為工者盡職本份，以義相守，勿令工職而生賤，明其道義，凜遵是行，推義於社稷，是為百工之本也，勉以勵行。

第十章 商賈明義篇

北斗星君降

詩曰：滅義失公正道淪，商賈昧心斗秤沈，
買賣交易無誠信，禍臨災殃罪及孫。

竊以古聖觀天察地，制以從商之道，準日中而定之商賈交易，取其公平買賣，推其原義，尤以天目昭昭，視察世人行商公心否？自古及今，商者行以貨賈買賣，雖聖人教天下以義相通，降及後世，每每悖義從利，昧其良知以相奪，喪盡天理，明知利之為害，竟昧心欺義而行以邪道，榨絞腦汁，明瞞暗騙，壞己身之名，鋌而走險，惟利是從，損商道之理，狼鼠互通，橫行於四處，如此奸商之所為，實有違信義之實。

甚有欺童騙叟，以假換真，本為劣品舊朽之物，而以粉飾加工，冒稱新物，得一時之利，保短暫之財，此無義之心，貨假不實，早已自損福德於前。亦有從商經營者，背友忘義，表面以阿諛奉承，儼若兄弟，諸事曲意順從，然暗箭難防，詭譎之心深不可測。雖名為深交之友，臨患難竟也棄之不顧，或相為陷害，視利勝友，義之不存，實令人寒心，爾為商



賈來往，豈能不謹慎乎？故經商之輩，明義之所趨，自當步步為營，奉以道義為圭臬。

今商賈行之有道，務求貨實物真，明知利之前，必以義為先。天道好還，善惡有分，爾為商賈生民之計，能助萬民社稷繁榮，非以巧思淫惑，無顧生民之害，集非份無道財銀於己。或販賣毒貨食糧，或銷售缺陷商品，小則損財不公，大則騙錢害命。匪思不義之輩，矇良知而害天理，所謂君子道消，小人道長，邪風毒瘤，冥冥滋生，此等雖贏得生財之法，卻害民於無形。

自古而今，觀商賈用品，買賣有其法，非以害人而益己，舉而列之，「毒藥」之用，係古之孫吳兵法列為一宗，欲以屠賊以安民，而今竟用之毒民，甚以販賣殃民。而「迷藥」一宗，起於華陀，欲救民以去病之用，而今不法商人，竟用以殘害婦孺、青少。「迷藥」一宗，古人用於夫婦不睦之途，而有全枕之德，而今商賈假傳濫用調配，竟以行淫騙色之用。鑑古思今，倘以藥品之有害於民，當辨其所用之途，慎以權衡利害輕重，倘用之得宜，是為義也。

今人多以非法利其生，天下財貨，惟商賈能一夜致富，其得之有方，必取之有法。縱生財之道，雖不免互謀其利，然買賣雙方，合同往來，當以「互信」為其商賈之道也。爾等經營商法，公道厚實，一分貨一分財，信用無欺，明義所為，老幼婦孺亦不可欺詐，斗秤宜公平，自有天眼鑑察。奉勸為商賈者，行商必要陰德無虧，造福後世子孫，是為真明道義之行耳。

第十一章 妯娌有義篇

雷祖大帝 降

詩曰：婦同妯娌貴以和，室處姻親莫干戈，

義結情足門閭旺，共振家聲天倫歌。

竊以天尊地卑，乾坤定矣。雖乾道為一家之主，然一家能否安然，尤以坤流為要，女子居處屋簷之下，是為「安」之字形，其深義可明也。女子上奉翁姑，中扶夫婿，下教子女，其天職匪輕，坤流婦道尚能盡綱倫，三從之義，四德之常，其家宅必安，家道必興。家中坤流相處，尤重妯娌和睦，其同處一室，雖各有父母或手足，但卻與之相聚日短，不若妯娌共居夫家門第，一世百年，生為異姓，死則共入宗祠，誠人生一大幸事也。妯娌之情有如姐妹，理當情比手足，連心同氣，各自扶持，兄弟一家，何人能疏遠異離？

今則難聞妯娌和睦，相互禮敬，多聞反目成仇，計較嫌隙，庭幃之地同如閹闥，兄弟本自和睦，竟因妯娌難容，互為爭休，雖口舌爭鬥，亦滋鬧生怨，枕邊惡語，蕭牆反目，妯娌之未能退讓，私心巧詐，刁弄是非，本安寧之宅，竟也雞犬難安，和氣消散，失義無道？



甚且不睦之因，有謂計較家事炊爨，未曾思翁姑腹枵，叔姪同在，爾妯娌處心積慮，各懷異心。然富貴貧賤有其命，身為兄嫂必身擔重責，寬待弟媳，不因富貴而渺視，不因財多而譏貧。試思：今為妯娌，本為前生緣，有幸奉侍一門，同孝長親，福氣加臨，又何必氣小肚窄？自當無怨，相依為命，方合義之同氣，妯娌有情，參商為謀，齊家之道，當以妯娌為基，和氣生財、振門之道亦由此而生焉。

今之婦女，性多愚闇，量無厚實，妯娌之初遇，始則誼情，彼此相讓，不聞詬誶之聲，本成太和之氣。孰知人親則狎，事久則變，有恃娘家之勢而驕傲怠慢者，有恃翁姑寵愛而假作威福者，有恃丈夫為主家而專斷獨裁者，有恃陪奩之厚而目中無人者，百般挑釁，挾私見，忘大義，任其家道起落，而結怨生仇，雖同室卻不同心，分居各爨，不見互助，有礙家門之興。

兄弟本是同根生，日久卻離疏生仇，妯娌閒隙徒成，街坊鄰里指詬嘲笑，倘妯娌相處未能作為婦範，頻造家醜外揚，人前常談是非，口出惡言，婦德殞落無存。爾等妯娌不義之名，卻已遠播親里，既種敗德之根，豈有賢良之後嗣？莫視因果之無存，冥府迢迢，歿後當受剖腹之惡報。

奉勸爾等妯娌為全大義，家道盛衰，互扶振興，兒女雖眾，協力教養，翁姑同在，善盡媳婦之責，群相推讓，謙卑相委，有難共度，有福同享，此婦德足可名耀里閭，正可揚其閭範婦德，善道諄諄，如此美報遺德於後世子孫，豈不美馨哉？

第十二章 父子親義篇

東方朔仙翁 降

詩曰：父子相親義當然，嚴訓家規正倫綱，

幼兒始教莫放縱，他日必能成棟樑。

夫自三綱立，天下於是有完人；自五倫明，古今於是有教化。是以千秋不易之煙祀，子孫瓜瓞繁衍而傳芳千古，父子代代克紹箕裘，其傳祀之方，以忠孝齊家。而父子親義亦屬人倫，爾等教化以家訓為基，有謂璧玉韞石中，久費琢磨終成器，喬木出幽谷，須經雕琢以成材，物類尚然，況於子弟乎！

身為父者，莫以幼兒無知，罔覺無聞，而未加調教，若少時失於教誨，年壯容易入於歧途。今或因溺愛而驕，其氣血方熾，任子弟逞性而火焰高張，恃寵而驕，眼中無人，欺愚貧於權勢，笑愚痴於得意，不加以管教約束，如何得以成材？既人人皆期子得志而成龍，卻不知教子善培德性，克守人倫？若小者不磨，幼時不教，再待長成，父母難以撻罵，此刻懊悔已遲，空貽噬臍之嘆。所謂「養不教，父之過。」身為父母，必以身教，訓調子女。倘父教





不明，是非未辨，雖千金萬貫傳家，後代不知克守，終時亦會耗盡，造禍端於無窮。

古語云：「父之嚴而子知其畏，父之寬而子恣其所行。」是故子弟由教而成，由不教而敗。莫調寵而生驕，愛而不忍用勞，倘驕縱易生侈，無教生敗兒，年少不知珍惜，流連酒色花鄉，浸淫於耗損精氣之地，歌樓舞榭於迷惘，廢青春而失年華。縱爾父心憂如焚，疼惜有加，子弟無教不明道理，此時喝斥規勸，徒成父子溝隙，非子之不肖，亦非子之難教，究其因，實訓子之不嚴。

今社會之俗染，習性之異端，爾為子弟盲目追尋刺激之享樂，昏昧無主，染毒品之嗜深，放縱情慾而泛濫。所謂冰凍三尺，非一日之寒，明知其子弟所行輕狂，當前不聞責斥，有時假裝威嚴，過後仍多縱容，豈不一錯再錯？身為父者，此刻必以大義之勸言，善引良策，求本探源，以忠孝之道，勉乎其行，復其良善，改其失偏，莫待子朽難雕，猶如船破江中，馬臨懸崖，恐於事無補。

奉勸父子相親，視教者用心，切莫溺愛，應以嚴加督責，雖子弟頑強，亦當訓勵勿鬆。今欲子貴蘭孫，必當訓子有方，以身作則，克盡人倫義理，嚴守家訓而弗違，則後代子孫，必也享有門庭躍鯉之美名，勉而奉行。

《明燈寶鑑》助印啟事

本書奉旨著作，列分四冊：《忠孝》、《仁愛》、《禮義》、《廉恥》。自民國80年辛未季秋至85年丙子孟夏止，歷經六年，三界高真降臨本宮揮鸞闡教，提倡中國八德倫理，篇篇金言玉語，實為嘔心瀝血之作，修身立命之寶典。

蒙上天宏慈，為使寶鑑廣為流傳，奉聖諭：特以頒佈殊勝助道功勳如後：

- 一、凡助印寶書乙本，記功十次，助印百冊各加善功品級。
- 二、宣講《明燈寶鑑》乙次，各記功十五次，司察神記之。
- 三、勸化乙部者，記大功乙次。
- 四、助道勸募捐施流通，四處結緣宣講，真心實善者，各依所贈而記錄功勳。

為冀廣印宣化，歡迎十方大德善仕，踴躍發心隨緣助印，並廣傳流通，四處結緣，代天宣化，使人手一本，請利用郵政劃撥帳號「一五三一一二五五號 修緣雜誌社」收，如有祈願亦請註明，凡助印造功者，本宮將造列名冊於初一、十五呈繳 上蒼鑑納，敘錄功德。

護國九天宮忠孝堂
修緣雜誌社

敬啟



【現世善惡因果報】助印啟事

本宮奉旨著作【現世善惡因果報】聖書，冊分上卷惡報篇、下卷善報篇，自戊子仲秋至己丑桐月止，歷時半年，每逢鸞期由三界高真引地獄罪魂及氣天神祇，敘述在世之惡行、善果，篇篇發人深省，金玉良言，用詞淺顯，實爲勸善教化之寶書。

蒙上天宏慈，爲使聖書廣爲流傳，奉聖諭：特以頒佈殊勝助道功德如後：

- 一、凡每助印乙本，記善功三次。以此累積。
- 二、若願廣發善書，四處結緣，讓人得聞此書而改其惡念、惡行者，凡一人各記善功十次。
- 三、以此書鳩集各地，發心宣說因果故事，讓聽聞者，願意知錯改過，懺悔前愆，以此因果報應之理，作爲後世警惕，各記善功二十次。改過者，不以禍刑求懲。
- 四、聽聞此書，自己更加善念堅定，持恆守道不輟者，各記善功三十次。
- 五、若有求福壽者，各依所愿，增添福祿。
- 六、求減災去禍者，各依其心懺悔誠意，而減其累世因果業障。
- 七、仁人孝子，爲父母添加福壽者，准依其助印善愿添記之。
- 八、爲超拔祖先者，九玄七祖必當功德迴向，可早超冥府輪迴。

期盼十方大德善仕，踴躍發心隨緣助印，每本工本費五十元，並廣傳流通，四處結緣，代天宣化，使人手一冊，讓聞得此書者改其惡念、惡行，廣積陰鷲福田，改善社會風氣趨於祥和之境。凡助印造功者，本宮將造列名冊於初一、十五呈繳 上蒼鑑納，敘錄功德。

護國九天宮管理委員會

敬啟

《神遇之光》徵求神蹟感應 啟事

本宮爲彰顯 九天玄姆慈悲救世，及諸聖神恩師恩主之神威顯赫，發心出版《神遇之光——修道神蹟感應錄》善書。

南天 文衡聖帝 聖諭：

諸生善心可嘉，道念俱足，發心爲使此部善書早日發行，一言一金玉，善念沖天闕。凡入鸞之生，人行一文章，其餘堂生、信眾，亦可投稿；共助善刊者，吾記大功十次，登臺說法者，一次各記大功五十。

邀請諸位善信大德，曾與 九天玄姆娘娘或其他恩師結緣之神蹟感應，皆歡迎踴躍投稿或口述，共襄盛舉，功德無量。

護國九天宮管理委員會 敬啟



九天玄姆聖傳 徵求贊助啟事

黃帝之師 九天玄姆乃先天一炁之上古真仙，傳世之聖跡隱幽難聞，娘娘願力宏深，助軒轅打敗蚩尤，是為開國仙師也。故每逢朝代更替，亂世衰微，娘娘必降臨顯化，扶助明君、保佑忠良而護國佑民。

此聖傳為 九天玄姆娘娘親臨闡述中華民族開國之經歷。黃帝憂國禱天，感聖神扶助，庇佑蒼黎。今聖傳完竣刊行，凡我炎黃子孫豈能不知民族源流之根本，盼此聖傳能得善德之士廣為助印流傳，俾使人手一冊，將 九天玄姆娘娘護國佑民之無為願力發揚，召感蒼生，而共助吾中華聖道之興盛。

凡助印造功者，每冊三十元，本宮將敬列贊助名冊，於初一、十五日焚呈 上天鑑納，以證功果。



護國九天宮管理委員會

敬啟

【誠誦聖號 有求皆應】

奉聖諭：

凡今後若有信徒，身染疾病或欠安者，可置清水（敬茶）一杯，置於佛前（神案前）；無神案者，可置於面向東方，三炷清香，恭請 九天玄姆娘娘後虔誠默唸（須許願），「大慈大悲大聖大願萬法教主開國仙師護國元君九天玄姆大慈尊」聖號四十九次後，飲用敬茶，有求皆應，應驗如雷，唯須悔過行善也。

請常恭誦「大慈大悲大聖大願萬法教主開國仙師護國元君九天玄姆大慈尊」



【為何要皈依鸞門】

自科技發達以來，人類追求物質享受，養成靡爛頹廢之生活，造成精神空虛，社會風氣因之敗壞不堪，遂使乾不遵三綱五常，坤不守三從四德。

原本天真樸實之性，於焉蕩然無存！在現今社會中，上下交征利之風氣下，導致君不君、臣不臣，父不父、子不子，夫不夫、妻不妻；而使此社會得了世紀——黑死病。

因此，列聖諸真有鑒於此，創扶鸞傳真之法佈教，所述真理應時應機，人人能懂，個個可修之法門。使修者盡棄一切昔日之非，恪遵列聖仙真之訓勉，注重克己複禮之修持工夫，並可改造社會風氣及復興中華固有文化。

是故，皈依鸞門修持，不僅使自身改變氣質，亦能扭轉社會頹風，創造一個富而好禮之社會。

【皈依的好處】

鸞門乃是在家修道居士之方便法門，以三綱五常、四維八德為準則，不拋棄家庭，亦無礙於事業之發展。

秉遵仙佛所降之聖訓，以及研讀先聖先賢之經典，二六時中修身養性，上可奉養父母于膝前，下能與妻娛子，內則家庭和睦，外可和氣以待人。

此不僅利己且有利於人，如能本此而修，實為個人、家庭及社會國家之福；除此之外，

又可以所積之功德消解自身之業障，進而超拔祖玄，蔭及兒孫。精進修持不二心，百年後自能位列仙班，永享品蓮。何樂而不爲？

【皈依的意義】

人有現在與未來，事有始終與本末，不把握現在即將失去未來。君子者——首當立命修身而安家，人生的過程中，人人每日都過著矛盾的生活，如同狂人癡夢般的幻想。《尚書》云：「惟狂，克念作聖；惟聖，妄念作狂。」簡言之，人的思想、情感、觀念，常給自已造就了無邊的罪業，無知的沉迷在六道輪迴中；妄念、情感與邪惡的思想，給當今的社會風氣帶來了無限的罪惡感。

本宮鑑於當今道德風氣敗壞，物質生活糜爛，精神食糧欠缺；除發行善刊雜誌贈閱外，並提供修身場所讓有心修身皈依者能有一修身養性之機會。人生只是「滄海之一粟」雖是一小粟，卻也是人類一份子；倘世間人人皆能「克己復禮」於仁，將昏沉散亂的精神加以修飾，當可會萬物於己者。

【如何辦理皈依】

若您有心加入此一修身消業行列，或願爲聖務犧牲奉獻效勞者，可於每周日下午2點親至本宮辦理皈依事宜，請自行準備五果一份叩答神恩。

每週濟世時間

一、叩問時間：

(一) 星期六 | 19:30 - 21:30 (號碼牌領取 開始, 限 15 名)

(二) 星期日 | 14:00 - 17:00 (號碼牌領取 開始, 限 25 名)
10:00 - 18:30

(中午本宮堂備有免費素食午餐)

二、叩稟個人資料：

(一) 姓名、出生年月日、時辰(以農曆為準)、地址、電話。

(二) 來函叩問者，須字體工整詳細填列叩問、不詳者恕難受理，請諒察。

(請附回郵信封及郵資)


三、叩問項目：(每人叩問限二項)

1. 身體
2. 事業
3. 運途
4. 婚姻
5. 功名
6. 家運
7. 查前世因果、功過(在學學生恕不辦理此項)
8. 姻緣何時至(未婚者)
9. 親人過逝後在陰間情形。亡者須滿百日後始可叩問，請詳填亡者姓名、逝世時間和享陽壽幾歲。(此項由陽世子孫代為叩問，叩問者須填個人資料)
10. 疑難解惑


九天宮候車處
南港捷運站2號出口

週六-17:50
週日-09:50 · 11:20
13:20 · 15:20

Google Map 路線指引



護國九天宮



九天宮候車處
研究院郵局前

週六-18:00
週日-10:00 · 11:30
13:30 · 15:30

本宮位置圖

本宮濟世叩問小啟暨班車時間

本宮社為方便前來朝聖及未開車之信眾大德上山叩問，特於濟世時間，在下列地點備有本宮專車接駁，班車時間表如下：

【上山】

1. 南港捷運站二號出口(右轉公車站前)：

星期六下午 5:50 分。

星期日上午 9:50 及 11:20，下午 1:20 及 3:20 分各一班。

2. 南港中央研究院公車站牌(郵局前)：

星期六下午 6:00 分。

星期日上午 10:00 及 11:30，下午 1:30 及 3:30 分各一班。

3. 木柵捷運站出口(捷運高架橋下與木柵路交叉口處)：

每逢星期日上午 09:30 及 11:30 分各一班。(敬請電話預約)

【下山】時間請洽本宮服務台。

【備註】

前來本宮之大德，也可搭市區公車 212、205、270、306、276、620、645、指南 679 號及休閒公車 113 至中央研究院站下車後，依上列時間表準時搭乘本宮專車，逾時不候；而木柵線須事前預約，謝謝合作。

修緣關心您

修緣秉持宗教「耕耘播種」的信念，為人類做最大的服務。

修緣是一本綜合宗教修身勸化期刊，為人們提供美好的生活遠景。

修緣關心您，更需要您的關心與參與。

修緣是一本只送不賣的綜合刊物，只要一通電話或來函索閱即贈。

修緣需要您的支持，無論是精神或財力上的支援，我們都珍惜。

如蒙隨喜助印，廣為流傳，我們衷心感謝。匯款請利用郵政劃撥。

讓沒看過善書的人，都能看，是我們的責任；讓不想看善書的人，都想想看，是我們的目標。讓我們共同奮鬥，使修緣光輝普照黑暗的角落。如欲助印善書，請到各地郵局利用郵政劃撥「一五三一一二五五號 修緣雜誌社」收。或以匯票、支票、禮券、現金袋寄達，功德無量。

國家圖書館出版品預行編目資料

明燈寶鑑．禮義部 / 護國九天宮忠孝堂著.
— [新北市] : 嘉德文化出版 ; 臺北市 :
修緣雜誌發行, 民102.03

面 ; 公分

ISBN 978-986-81728-6-9(平裝)

1.勸善 2.修身

192.9

102001106

明燈寶鑑 禮義部

中華民國一十一年九月 再版

出版者：嘉德文化事業股份有限公司

發行所：修緣雜誌社

著作者：護國九天宮忠孝堂

宮堂址：台北市南港區南深路九十一巷三十三號

(本宮因南港區道路整編原先舊莊街住址變更為以上新址)

贈送處：護國九天宮忠孝堂

修緣雜誌社

社團法人中華儒道研究協會贊助

電話：(〇二)二七八六五四九四〇五

傳真號碼：(〇二)二七八三二四二五

郵政劃撥：一五三一一二五五修緣雜誌社

登記處：行政院新聞局登記證局版台誌第七九二號

郵政：中華郵政台北雜字第一二五七號登記為雜

誌交寄

網址：<http://www.jiutiangong.com/>

版權所有・請勿翻印

九霄鎮寰宇 忠恕一貫傳千古
天道育乾坤 孝門禮路列聖賢



護國九天宮忠孝堂

Hu-kuo Chiu Tian Temple

台北市南港區南深路91巷33號

No. 33, Ln. 91, Nanshen Rd., Nangang Dist.,

Taipei City 115, Taiwan (R.O.C.)

TEL : (02)2786-5494

網址 : <http://www.jiutiangong.com>

ISBN 978986817286-9



9 789868 172869

